

心中所行法門云故也。天台所行法門法華經故。此意依法華經見證文也。但對他宗之時問答可存大綱也。所謂可云、若天台止觀不依法華經者速可捨也。其故天台大師兼約束云、與修多羅合錄而用之。無文無義不可信受云云。傳教大師云、依憑佛說莫信口傳文。龍樹大論云、依修多羅白論不依修多羅黑論文。教主釋尊云、依法不依人文。天台依法華經、龍樹を高祖にしながら、違經文、翻我言、依外道邪見法、釋止觀一部事全不可有也。問、正止觀依法華經見文有之耶。答、餘多故少々出之。止觀云、漸與不定置而不論。今依經更明圓頓文。弘決云、攬法華經自成不思議十乘十境待絕滅絕寂照之行文。止觀大意云、今家教門以龍樹爲始祖。慧文但列內觀而已。泊于南岳天台、復因法華三昧發陀羅尼、開拓義門、觀法周備。若釋法華彌須曉了權實本迹、方可立行。此經獨得稱妙。方可依此以立觀道。言五方便及十乘執行者、即圓頓止觀全依法華。圓頓止觀即法華三昧之異名耳文。文句記云、觀與經合、非數他寶。方知止觀一部是法華三昧之筌筥。若得斯意、方會經旨云云。唐土人師行滿釋學天台宗法門大意云、摩訶止觀一部大意不出法華三昧之異名。依經修觀文。此等文證分明也。誰論之。問、天台作四種釋之時、至觀心釋捨本迹

①〔云〕一② ②師十(秀句下)3字③ ③〔依〕一④ ④龍...がら=龍樹乍高祖⑤ ⑤五=吾⑥ ⑥筥=第⑦=蹄⑧ ⑦〔學〕一⑧